

# Ленинэнь киява

ВЛКСМ-нь Мокшэрзянь обкомонтъ ды Саранскоень ошонь комитетэнтъ газетаст

АВГУСТОНЬ

14 чи,

1937 ие

№ 92 (766)

ЛИСИ

7-це ие  
чинь ютазь

## Шумбрасо пачкодеде!

Громов ялганть стартонзо ютамоде мейле ковань ютазь, Арктикань эея паксятнень велььска ливти советской стальной виев нармунесь „Н-209“, кона апак лотксе ливти Москов—Пелеве ено полюс—Пелеве ено Америка мар шруткань.

Те ливтямось практически реши кавто ие мастортнэнь ютксо сех вурька киява почтово-пассажирской связень вострэнэнь.

Августонь 21 частэнь валске марто ушодовсь „СССР—Н-209“ самолетонтъ горючейсь пештямось.

15 чассто 30 минутасто самолетонтень кармасть грузамо снаряжения. Самолетонтъ бортовтень путозельть ярасмо пель ды аварийной снаряжения. Теде башка, кабинаантень путозельть корреспонденция ды августонь 12-це чинь московской газетатнень комплект.

Чокшне 5 чассто Щелковской аэродромонтень кармасть пурнавомо провождият—родвятне, оятне ды роботань коряс ялганте. Стартонть састь: Оборонной промышленностень Наркомось Рухимович ялгась, Связень Наркомось Халецкий ялгась, Оборонань Наркомонтъ заместителезэ омбоде рангонь командармось Алкснис ялгась, Туполев профессорось, Советской Союзонь геройтне Водопьянов, Вайдукоз, Беляков ды Шевелев ялганте, „Правдань“ редколлегиянь членось Мехлис ялгась ды лият.

Чокшне 6 чассто максозь приказ:

— Нолдамс мотортнэнь!  
Виевста зернезевств ниле мотортна. Войкасто кармасть чарамо пропеллертнэнь.

Максозь команда. Леваневский ды Кастанаев ялганте проштить, кутморить ды палсить малавикстнэнь ды оятнэнь. Мейле озасть самолетонтень.

Кись панжовь. Кастанаев максесь газ. Самолетось ушодсь разбег. Вана сон пурны скорость.

Вана меельсекс Кастанаев ялгась пек пождынестэ, толчокстома плавно, чокшне 6 чассто 15 минутасто, машинань кептивзе веревь.

Алкснис ялгась ульнесь ливтямонь ушодманть линия лангсо, сон мерсь:

— Молодец Кастанаев! Сон тейсь ливтямонь пек вадра ушодома. 35 тоннатне коштонть кепедезельть 35 секундас!!!

Мотортнэнь зернемасть кармасть маря юмо састо. Виев нармунесь кекшсь виренть экшс. Гордой, отважной соколтнэ тусть полюсонть трокс Америкав, штобу сермадомс Советтнэнь масторонтъ историятень пек паро од изьявкс, вельтямс од славасо эсь родинанть.

Удаскав ки, вецкевикс ялгат! (ТАСС.)



„Н 209“ САМОЛЕТОНТЬ ЭКИПАЖОСЬ

(Керш еноо витев): радистэсь Н. Я. Галковский, 2-це пилотось Н. Г. Кастанаев, экипажонтъ командирэсь С. А. Леваневский, 2-це борт-механикесь Г. Побежимов, 1-це борт-механикесь Н. Н. Годовиков, штурманось В. И. Левченко.

Фотось Ф. Кисловонь.

## МОСКОВ—ПЕЛЕВЕ ЕНО ПОЛЮС—ПЕЛЕВЕ ЕНО АМЕРИКА ЛИВТЯМОДОНТЬ ПРАВИТЕЛЬСТВЕННОЙ КОМИССИЯНТЬ СООБЩЕНИЯЗО

Правительстванть Советской Союзонь героесь С. А. Леваневский ялгась, летчикесь Н. Г. Кастанаев ялгась, штурманось В. И. Левченко ялгась энялдсть, штобу сынест меревельть теэмс апак валгоне ливтямо Москов—Пелеве ено полюс—Пелеве ено Америка маршрутканть. Правительствась топавтызе сынст энялдомаст.

Ливтямонь стартось теезь 1937 иень августонь 12-це частэнтъ 18 чассто 15 минутасо Щелковской аэродромонтень, Москов маласо. Самолетось сайсь курс: Архангельск—Пелеве ено полюс—Аляска.

Ливтямось моли „Н-209“ самолетсонть

(конструкциясь В. Ф. Болховитиновонь), „А-М. 34—РНБ“ ниле мотор марто.

Самолетонтъ экипажось: Советской Союзонь героесь С. А. Леваневский—командир, летчикесь Н. Г. Кастанаев—омбоце пилот, капитанось В. И. Левченко—штурман, бортмеханиктнэ—Г. Т. Побежимов, Н. Н. Годовиков, радистэсь—васенце рангонь воентехникесь Н. Я. Галковский.

Ливтямонть организовамонзо коряс правительственной комиссиясь:

М. РУХИМОВИЧ, М. КАГАНОВИЧ, А. ТУПОЛЕВ, Я. АЛКСНИС, О. ШМИДТ.

(ТАСС),

12.8—1937 ие.

— 0 0 0 —

## Транспортной самолетсо Пелеве ено полюсонть трокс

Седе мейле, кода Советской Союзонь героенть академикенть Шмидтэнь экспедициясь парсте прядызе дрейфующей эй лангс зимовкань организовамонть коряс роботанть, мон энялдынь правительстванть, штобу монень меревельть Московсто ливтямс США-в Пелеве ено полюсонть трокс.


Пелеве ено Америкав те ливтямонть целезэ—практически кемекстамс результаттнэнь, конатне теезь США в „АНТ—25“ самолетсонть Чкалов ды Громов ялганть

нень пек вадра ливтямотнесэ. Минек икеле ашти стака ды трудной задача—малав секе жо трассаванть, но бульчом седе верьга ды седе бойкасто, ветямс 4 мотор марто гигантской самолетонтень. Минек ливтямось должен икеле пелев решамс кавто континенттнэнь ютксо пассажирской ды коммерческой сообщениянь задачанть.

Эсинь ливтямонть мон тейса маршрутканть, конатась мейле, эряви асемс, карми улемяк Москов—Пелеве ено Америка воздушной линиянь трассакс. Полюсонть видсь минь ливтяно малав секе жо кияванть, конань эзга мольсть Чкалов ды Громов. Полюсонть эйстэ минек маршрутось юты меридианганть, кона ашти Московонь меридианонтъ каршо. Валгомо арсияно Фербенкс ошонть, Аляскас.

Фербенксэсь — Аляскасо сех покш ды промышленной ош, покш центра морской ды сухопутной аэродром марто. Те оштонть

(Пезэ 2-це страницасо.)



„Н 209“ САМОЛЕТОСЬ ЩЕЛКОВСКОЙ АЭРОДРОМСО.

Фотось Ф. Кисловонь.





## ИСПАНИЯСО ФРОНТТНЭВА

Испаниясо центральной фронтсонть, кода мерезь оборонань министрвангь сообщениясонзо, кона Мадридсэ печатазь августонь 10-це чистэнтъ, мятежиктнэ спартность теэмс атака республиканской позициятнень лангс (Касабланкасо, Эстремадурской кинть лангсо). Атаканть тапизь республиканецтнэ. Мятежиктнэнтъ ютксо маштозь кавто сядо до ламо ломанть.

Карабачелень секторсонть моли мода ало (подземной) война. Зяряя кудот, конатнень кемекс-такшнызь мятежиктнэ, взрывают республиканецтнэ.

Чи лисема ено (арагонской) фронтсонть республиканской войскактне успешно эцить икелев. Республиканецтнэ завизь мятежиктнэнтъ позицияст Санта Круссо (Рудильентъ эйтэ чи валгома ено). Республиканской авиациясь августонь 9-це чистэ тейнесь разведывательной ливтямот ды бомбардировизе Хеа де Альбарра-син ды Бесас.

Республиканецтнэ тейсть успехт Сексенянь секторсонть (Мадридэнтъ эйтэ пеле чи ено). Сынъ августонь 9-це чистэнтъ тосо занясть сэрэй таркатнень ютксо вадря позицият.

## Фашисттнэнь зверстваст

Лондон, (ТАСС). Эксчейнж Телеграф агенстванть гибралтарской корреспондентэзэ евни фашистской террордо вейке ломанень кортамо, кона (ломанесь) Севильясо тюрьмасо колмо ковт аштемадо мейле сась Гибралтаров. Севильской тюрьмасонть фашисттнэ эрва чистэ пулеметсо леднить пекстазтнень—кой-зардо чинзэ перть леднить 50 ломанть.

Вейке камерасо пекстазъ 80 тейтерь-ават, конатнень арась возмо-

жностест мадезь удсемс. Весть неть тейтерь-аватненень якась священник, но сынъ эсть карма мартоно кортнеме. Священникесь грозясь, што сон тест кежентъ пандсы. Мейле састь марокканецт, кедьсэст ульнесь палкат ды илейть. Сынъ пек чавизь тейтерь-аватнень. Истя жо ульнесь изна-силованиянь ламо случайт. Фашисттнэ леднестъ 15 исезь церынетъ сень кис, што сынъ приветствиянь кис верей кепедилизь сюрордазь кулакокт.



СНИМКАСОНТЬ: Испаниянь республиканской армиянь популярнейшей полководецэсь дивизиянь командиресь Эрикке Листер.

Фотось Р. Карменэнь (СОЮЗФОТО).

## Кие ульнесь председателекс ды комсоргокс

Покш Березникень районь, Пермизь велень Калинин лемсэ колхозонь председателесь Ильякаев эсинзэ тевсэ ветясь вредительской робота. Сон калавтсь колхозонть роботанзо. Колхозонь мода видьневтнесь единоличникень кедьсэ, 51 гектар видезь суронть эйтэ кочковтсь ансяк 10-шка гектарт ды сяк ланга-прява. Ильякаев ульнесь комсомолец ды комсорг.

Весе тень кис сонзэ панизь комсомолсто ды каизь роботасто.  
Юнкор.

## Вачкодемс безобразниктнэнь ланга

Саранскоень электростанциянтъ вакссо 43-це № магазинсэнтъ роботы завмагокс Грунюшкин. Кшинь микшницясь тосо Мельгунов, конань пельде Грунюшкин салась зарплата.


Грунюшкин ламоктъ сермалекшнесь Мельгуновонь ярмаконзо родноензэ туртов—Евдокимованень. Истя жо Грунюшкин сермалиль ярмакт эстэнзэяк.

Мельгунов ялгась те тевентъ кувалт ягась директоронтень Медведевнень, кона сермадсь расчетной столов Лимонникованень. Лимонникова сермадсь, што сон макссь зарплатанзо табелень кувалт ды истямо безобразиясь тусь певтеме.

Мельгуновонь те пенячямось ульнесь чаво валкс, конань енов отношеиясь ульнесь бюрократической. Эряви ванькскавтомс эсь прянок истят ломантнеде ды кармавтомс чумотнень пандомс Мельгуновнень ярмактнэнь.

Минсенек ломань.

Редакционной коллегия.



СОВЕТСКОЙ СОЮЗОНЬ КУРОРТТНЭВА (СНИМКАСОНТЬ: „Боровое“ курортонь (Казахской ССР-нь) эрке лангсо лодочной станциясь. Фотось Л. Великжанинэнь. (Союзфото).

## СЮЛМИЦЯТНЕНЬ ЮТКСО

Чукалонь „Путь Ильича“ колхозсо августонь 11-це чистэ пултонь сюзмицятнень ютксо толковазь „СССР нь Верховной Советс кочкамотнеде положениясь“.

Паксянь стансонть лисни стеной газета. Газетасонть сермадозь стахановкатне—Агейкина А., кона сюзми чизэнзэ 800 пултт; Кипайкина А. сюзми 800 пултт; Агейкина Ек. сюзми 780 пултт ды кемготово исезь Моисейкина Наташа сюзми 800 пултт.

Стеной газетанть вакссо понгавтозь якстере лаз, косо сермадозь вадрясто роботамонь кис Моисейкинань ды Агейкинань звенатне.

Нетъ звенатне эрва чистэ планост топавтыть 200 процентс отличной роботань качествасо.

Ф. Кипайкин.

Ардатовань р-н.

## Агитбригадась колхозсо

Ромодановань Соцкультурань кудонь агитбригадась августонь 10-це чистэ тейсь „12 годовщина Октября“ колхозсо выступленият. Колхозниктнэненень бригадась тейсь пьеса, конань лемезэ „Одна комната“. Теде мейле ульнесь концерт. Оркестрась исполнил Конноармейскоентъ ды лият.

Агитбригадань участницась Лапина морась морот: „Песнь о родине“ ды лият.

Те агитбригадась курок туи Константиновской велень советэнь колхозтнэва.

Вл. Ананьин.

## Организовасть кружок

Августонь васень чистэ Ремезенкань „Красные всходы“ колхозсо ульнесь промкс, косо ульнесь вейке вопрос: „Антивоенной чиденть“.

Те промксонть ульнесь организовазь осовавиахимень кружок ды кочказь председателекс Фадеев.

И. С. Степайкин.

Чамзинкань район.



СНИМКАСОНТЬ: Миаха генералось ды Центральной фронтонь комиссарось Франциско Антон (виль ено) Испаниянь республиканской армиянь частьнестэ вейкентъ ванномсто.

Фотось Р. Карменэнь (Союзфото).

## СЕВЕРНОЙ КИТАИСЭ ВОИНАСЬ

Китайской войскактне, конат ванстыть национальной независимостентъ, макснить виев сопротивлениия японской захватчиктнэненень. Августонь 9-це чистэ японской войскактне ушодокшность од атака Дэсинькоунть ды Эрдаогуанть лангс. Китайской войскактне тейсть виев сопротивления, японецтнэненень савсь потамс, сынст ютксо ламот маштозь. Японской командованиясь те райононтень кучсь од подкрепления. Августонь 9-це частэнтъ чить японской войскактне омбоцеде атаконизь Узинхаенть. Атаканть тапизь китайской войскактне, ды японецтнэ потастъ Туличевунть енов.

Меельсь шкастонть японецтнэ ветить военной покш анокстамот Нанькоунть районсо, анокстыть бульчом Чахар провинциянтень

эцеме. Японецтнэ виевстэ бомбардировить Нанькоунть. Бейпин—Суйюаньской чугунокань кинть пеле чи ено пельксээ уш японецтнэненень кедьсэ, тосо японской ламо эшелонт.

Японецтнэ анокстыть Шанхаенть лангс каявомо. Шанхаесь—Китайсэ сех покш ош, тосо улить фабрично-заводской ламо предприятият.

Августонь 9-це чистэнтъ японецтнэ спровоцировали китайской солдаттнэнь марто столкновения, конань шкасто маштозь японской лейтенант Ояма ды Саито матросось. Японецтнэ спартнить тень волдамс тевс, штобу Шанхаенть каршо ушодомс военной действиянь анокстамо. Шанхайской портонтень сыть яла японской од суднат.